

冬
官
旁
求

冬官旁求卷上

謹案漢書藝文志云周官經六篇師古曰

官禮也以其冬官目考工記充之陸德明敘錄曰河
間獻王開獻書之路時有李氏上周官五篇失事官
一篇乃購千金不得取考工記目補之是則五官全
而冬官本缺非因錯亂竊皆而致然也自臨川俞壽
翁叔爲雜出五官之說取五職之近于事典者改入
冬官而各官復有移易以爲周官之全在是嗣後永
嘉王氏臨川吳氏清源邛氏椒邛何氏與夫方正學
舒國裝陳鳳梧諸人紛紛割補而五官之文乃遂大

亂夫冬官雖亾而自有其不亾者不當于五官求之也經傳所載官名非五官所有者甚多案其職事往往于事典有合而司空之職散見諸書者雖非周禮之文當亦不甚相異卽其所掌以考諸職如肉貫弗因備錄其文叅之註解附呂管案而事官之屬十可八九得矣至于官名非五官所有而不可指爲冬官者附論于後其名與周官小異而職不異者槩畧焉益目見缺佚之可惜而壽翁之說之洵非然也萬載

辛紹業

大司空

鄭康成冬官目錄云象冬所去官也是官名司空者冬閉藏萬物天子去司空使掌邦事亦所以富國家使民無空者也

班固白虎通云司空主土不言土言空者空尙主之何況于實以微見著

馬融洪範注云司空主空土曰居民

案已上三條論司空名義天下之有皆生于無實皆成于虛四時之冬積于空虛不用之地而歲功由是而成貞元日之而伏是不用者乃所目爲用也司空所掌如營建造立等事皆于幾間爲宜故其官爲冬

官然必國家之興事有常而後四民之赴功不懈四民之赴功不懈而後財用之源流日廣故主乎空者乃所以使民無空也目使民無空者而謂之爲司空亦如以治亂之臣而稱之爲亂臣也班云主土馬云空土居民雖亦事典之一然偏而不能該矣故司空

名義漢儒之說當目鄭氏爲準

空讀平聲不讀去聲

又案顏師古漢書百官公卿表注云空穴也古人穴居主穿土爲穴目居人也考上古穴居之時未必大有司空之官至黃帝堯舜已易穴居爲宮室矣堯之時上者爲巢下者爲營窟偶因洪水汎濫而然不必

爲爲營窟者而太官而周大王陶復陶穴亦曰窟于
戎狄故耳非其時未知爲宮室也厥後廼召司空正
太室家營宗廟之事師古說非且空讀平聲今云空穴
也是讀空爲孔尤非

天官小宰以官府之六屬舉邦治六曰冬官其屬六十
掌邦事大事則從其長小事則專達

天官大宰掌建邦之六典以佐王治邦國六曰事典以
富邦國以任百官以生萬民注云任猶傳也生猶養也
疏云任謂任使注云任猶傳也者傳猶去也東齊人物
去地中爲傳欲使百官皆去其功也云生猶養也者若

直云生萬民則諸官皆生萬民彼何異也于義不安故轉爲養冬官主土地所以養民故也

天官小宰以官府之六職辨邦治六曰事職以富邦國以養萬民以生百物疏云上事典以生萬民生卽養也與上同此不云官府百官與六典不同者以六職皆當職行事義不及遠故與六典文異也

大戴記盛德篇古之御政以治天下者冢宰之官曰成道司徒之官以成德宗伯之官以成仁司馬之官以成聖司寇之官以成義司空之官以成禮注云天道發施故爲道地理含藏故主德道德者包五性內外之稱也

天地之官尊故總之聖通也夏氣物充達又征伐者所
日平通天下司空不主智者已兼司馬凡宗社之設城
郭之度宮室之量輿服之制皆官所職也

按禮非事不主故云成禮凡宗社城郭等事春官典
命所掌大小高卑多寡之制司空因而成之非兼司
馬之謂也

又云以之道則國治以之德則國安以之仁則國和以
之聖則國平以之義則國成以之禮則國定注云體國
經野事官之職

又云百度不審去事失禮財物失量曰貧也貧則飭司

空注云凡度量財物考之猶有其事

案家語執轡篇與此篇所言同此段多都鄙不修句
書洪範三八政四曰司空鄭云此數本諸其職先後之
宜也司空掌居民之官傳云主空土以居民疏云足衣
食祭鬼神必當有所安居司空主居民故司空爲四此
用于民緩急而爲次也鄭云食貨祀賓師皆官卽如鄭
說自可皆舉官名何獨三事舉官也且司馬在上司空
在下今司空在四司馬在八非取職之先後也

案疏駁鄭注取職之先後爲非今考鄭義本之大傳
大傳解此節云食者萬物之始人事之所本也故先

食然則貨曰利民用故次於食民食用既足由是致力於神故祀次於貨論語亦云所重民食喪祭也人神各有依居故司空次四民飽食安居則當教之故司徒次五先教而後刑故司寇次六懷德畏威遠人來賓故賓次七其有不服化者則六師征之故兵終焉所云先後之宜者如此則仍就施政之宜而言非謂司空居司馬之上也至八者鄭謂官職則曰有政必有官疏必曰鄭爲非亦非

晉語悼公卽位知右行辛之能曰數宣物定功也使爲司空解云數計也宣明也物事也能曰計數明事定功

故使爲司空司空掌邦事謂建都邑起宮室經封洫之屬

鄭康成考工記注云司空掌營城郭建都邑太社稷宗廟造宮室車服器械監百工者疏云竝此下文見有其事案匠人云營國方九里國中九緯城隅之等是營城郭郡城之制及井方一里之等是營都邑左祖右社是營社稷宗廟夏后氏世室殷人重屋之等是營宮室也車人云羊車柏車是營車也繪畫之事是營服也梓人陶人之等是營禮樂之器也冶氏矢人弓人之等是營械械卽兵器也

案鄭注掌營城郭至監百工者皆釋司空之職監百工如月令所云百工咸理監工日號是也此疏下文曰監百工者聯唐虞已上曰共工言之誤矣

又案已上九條總論司空之職

古文周官司空掌邦土居四民時地利傳云冬官卿主國空土以居民士農工商四人使順天時分地利授之土疏云周禮冬官凶小宰職云六曰冬官掌邦事又云六曰事職曰富邦國曰養萬民馬融云事職掌百工器用耒耜弓車之屬與此主土居民全不相當冬官既凶不知其本禮記王制記司空之事云量地以制邑度地

以居民足明官本有主土居民之事也齊語云管仲制法令士農工商四民不雜卽此居民使順天時分地利授之士也周禮云事此云土者爲下有居四民故云土曰居民爲急故也

案古文周官出自東晉之世與周禮所言自不能相合其所云事邦土雖亦司空之職然偏于一端不可曰是該事土之全也

昭十七年左傳鄭子論官曰鳩鳩氏司空也集解云鳩鳩平均故爲司空平水土

書舜典有能書熙帝之載使宅百揆僉曰伯禹作司

空帝曰俞咨禹女平水土惟時哉傳云稱禹前功且命之疏云禹平水土從前之事始其今復命之令平水土故云稱禹前功且命之

案文十八季左傳云舜臣堯舉八愷使主后土集解云后土地官禹作司空平水土卽土地之官此云地官且其所掌而言非周官之地官也

定四季左傳封康叔于殷墟聘季授土陶叔授民集解云聘季周公弟司空陶叔司徒

案聘季爲司空見此傳下文

襄二十五年左傳鄭入陳子美入數俘而出祝祓社司

徒致民司馬致節司空致地乃還集解云子美子產也
陳亂故正其取官修其所職曰安定之乃還疏云陳國
既亂致使官司廢闕民人分散符節失亾故令陳之司
徒招致民人司馬集致符節司空檢致土地使各依其
舊師乃廻還也

家語相魯篇孔子仕魯二年定公曰爲司空乃別五土
之性而物各得其所生之宜咸得厥所注云五土之性
一曰山林二曰川澤三曰邱陵四曰墳衍五曰遠隰所
生之物各得其宜

案已上六條司空掌土地之事

又案地官大司徒職云掌建邦之土地之圖注云若
今司空郡國輿地圖漢司空有輿地圖周司空亦必
有之司徒之圖目知地域廣輪之數目辨五土之名
物司空之圖目別山川谿谷之不可處與休地之宜
居民者皆職之不可無者也

禮王制司空執度地居民山川沮澤時四時量地遠
近興事任力凡使民任老者之事食壯者之食注云度
丈尺也沮謂萊沛事謂築邑廬宿市也釋文云何氏云
草所生曰萊水所生曰沛疏云上云用民之力惟三日
而已故注云治宮室城郭道渠此言興事言興則用力

難重故云事謂築邑築邑則築城也又築廬之與宿及市案遺人云凡國家之道十里有廬三十里有宿五十里有市是也

又云凡居民材必因天地寒煖燥溼廣谷大川異制民生其間者異俗剛柔輕重遲速異齊五味異和器械異制衣服異宜修其教不易其俗齊其政不易其宜中國戎夷五方之民皆有性也不可推移東方曰夷被髮文身有不火食者矣南方曰蠻雕題交趾有不火食者矣西方曰戎被髮衣皮有不粒食者矣北方曰狄衣羽毛穴居有不粒食者矣中國夷蠻戎狄皆有安居和味宜

服利用備器五方之民言語不通嗜欲不同達其志通其欲東方曰寄南方曰象西方曰秋鞅北方曰譯註云廣谷大川異制謂其形象

又云凡居民量地曰制邑度地曰居民地邑民居必參相得也無曠土無游民食節事時民咸安其居樂事勸功尊君親上然後興學注云得猶足也

大戴記千乘篇司空司冬曰制度制地事準揆山林規表衍沃畜水行表濯浸曰節四時之事治地遠近曰任民力曰節民食大古食壯之食攻老之事

案濯浸之濯當作灌灌廣韻訓澆蓄水行表灌浸謂

蓄水曰備田用濼則行而褻之旱則灌而浸之此所
曰節四時之事也濯說文訓澣義與此無涉

又云是故立民之居必于中國之休地因寒暑之和六
畜育焉五穀宜焉辨輕重制剛柔和五味曰節食時事
東辟之民曰夷精曰僥至于大遠有不火食者矣南辟
之民曰蠻信曰朴至于大遠有不火食者矣西辟之民
曰戎勁曰剛至于大遠有不火食者矣北辟之民曰狄
肥曰戾至于大遠有不火食者矣及中國之民曰五方
之民有安居和味咸有實用利器知通之信令之及量
地度居邑有城郭立朝市地曰度邑曰度民曰觀安危

距封後利先慮久固依固可守爲奧可久能節四時之事霜露時降方冬三月草木落庶虞藏五穀畢入于倉于時有事烝于皇祖皇考息國老六人呂成冬事

案廣韻云休美也善也休地謂美善之地僥說文玉篇俱訓僥僥短人但僥僥南方非東夷集韻云僥僥也文獻通考稱高句麗潔淨自惠又云性多詭伏潔淨故精詭伏則僞東夷之國高句麗爲大記或指此也實說文訓富實用謂富足之用距當作距說文云雞距也義不通距說文云止也距封後利謂定其四封所止而後謀所目利之先慮久固謂先爲之慮

其可久固之道下文云依固可守爲與可久是也與
說文云宛也臣錯曰宛深也冬屬水水數六故息國
老六人

又案已上五條司空居民之事

地官鄉師大役則帥民徒而至治其政令既役則受州
里之役要目考司空之辟目逆其役事注云役要所遣
民徒之數辟功作章程逆猶鈎考也疏云言大役者謂
築作隄防城郭等大役使其民

秋官大司寇凡萬民之有罪過而未麗于法而害于州
里者桎梏而坐諸嘉石役諸司空重罪旬有三日坐羸

役其次九日坐九月役其次七日坐七月役其次五日坐五月役其下罪三日坐三月役注云役諸司空坐日訖使給百工之役也

案此二條司空主役之事

隱六年左傳宋曰武公廢司空集解云武公名司空廢爲司城

莊二十六年左傳晉士蒍爲大司空夏士蒍爲城絳曰深其宮

案此二條則城築之事司空所掌也

又案莊二十九年冬十有二月城諸及防左傳云書

時也凡土功龍見而畢務戒事也火見而致用水昏
正而裁日至而畢集解云龍星角亢晨見東方謂今
九月周十一月定星昏而中謂今十月據傳所云則
古者築作之期早不越今十月遲不過今十二月此
所曰無防農事也

襄三十一季左傳于產毀晉垣曰文公之爲盟主也司
空曰時平易道路

周語單襄公引周秩官云敵國賓至司空視塗解云秩
官周常官篇名視塗視險易也

案此二條則道塗之事司空所掌也

又案語云雨畢而除道水涸而成梁故夏令曰九月
除道十月成梁是則除道之期先于城築蓋曰道路
事易畢故無防畧早耳

禮月令季春命司空曰時雨將降下水上騰循行國邑
周視原野脩利隄防道達溝瀆開通道路毋有障塞注
云古者溝上有路疏云既爲雨決水而云開通道路恐
道路非決之物故云溝上有路言道達溝瀆之時須修
此溝上道路案周禮遂人職云溝上有畛川上有路此
言溝上有路者是道路之總名與彼別也

伏生大傳云溝瀆雍過水爲民害責之司空

案此二條則隄防溝瀆之事司空所掌也

周語虢文公論藉田曰稷乃命其旅曰徇后稷三之司空四之駢云司空主道路溝洫故次后稷

案此條則農事司空所兼及也

詩縣五章乃召司空乃召司徒俾立室家其繩則直縮版目載作廟翼翼傳云君子將營宮室宗廟爲先廡庫爲次居室爲後箋云司空掌營國邑司徒掌徒役之事故召之使立室家之位處繩者營其廣輪方正之制也旣正則目索縮其築版上下相承而起廟成則嚴顯翼翼然疏云佻處者卽匠人所謂左社右社面朝後市之

類是也

又七章廼立皋門皋門有伉廼立應門應門將將廼立
冢土戎醜攸行傳云王之郭門曰皋門伉高貌王之正
門曰應門將將嚴正也冢土大社也起大事動大眾必
先有事乎社而後出謂之宜

案此二條則宗廟宮室社稷之造立皆司空所掌也
又案周語云清風至而修城郭宮室解云火見之後
建亥之初也據此宮室與城郭竝修疑大促進考幽
詩云十月納禾稼嗟我農夫我稼既同上入執宮功
又鄘詩云定之方中作于楚宮揆之吉日作于楚室

則古者宮室之修例于十月無疑

周語司空除壇于藉解云司空掌地也

案此條則壇壝之事司空所掌也

家語相魯篇孔子仕魯爲司空先時季氏葬昭公于墓道之南孔子溝而合諸墓焉

案此條則冢墓之事司空亦兼掌之左傳曰此爲夫子作司寇時事考司寇無掌墓之文而役政主于司空家語此條似爲可信所以左傳仍不誤者諸侯之卿司寇與司空同職孔子是時雖進爲司寇必仍兼司空之事故得溝先君之墓也

天官小宰六聯注云鄭司農云大祭祀大宰贊玉幣司徒奉牛牲宗伯視滌濯涖玉鬯省牲饌奉玉盥司馬羞魚牲奉馬牲司寇奉明火某謂奉牲者其司空奉豕歟

案此條祭祀司空所掌之事

秋官大司寇凡邦之大盟約涖其盟書而登之于天府大史內史司會及六官皆受其貳而藏之疏云大盟約謂王與諸侯因大會同而與盟所有約誓之辭大史內史司會掌事皆與六卿同故皆有副貳盟辭而藏之擬相勘當

案此條會盟司空所同掌之事穀梁隱二年公會戎于潛傳云知者慮義者行仁者守有此三者然後可
目出會疏云知者慮謂卿爲司徒義者行謂卿爲司馬仁者守謂卿爲司空人君之行二卿從一卿守然則人君出會司空但居守而後更藏其盟書之貳歟書毋誓王曰御事司徒司馬司空傳云治事三卿司徒主民司馬主兵司空主土指誓戰者疏云孔以于時已稱王而有六師亦應已置六卿今呼治事惟三卿者司徒主民治徒庶之政令司馬主兵治軍旅之誓戒司空主土治壘壁目營軍是其誓戰者故不及大宰大宗司

寇也

案此條軍旅司空所掌之事

昭四季左傳叔孫豹卒季孫使杜洩舍路不可曰夫子受命於朝而賜於王王思舊勲而賜之路復命而致之君君不敢逆王命而復賜之使三官書之吾子爲司徒實書名夫子爲司馬與工正書服孟孫爲司空曰書勲今死而弗曰是棄君命也乃使曰堊疏云所曰司徒書名者周禮大司徒掌十二教十有一曰曰賢制爵十有二曰曰庸制祿故司徒書名定位號也司馬與工正書服者周禮夏官司馬其屬有司士掌羣臣之政曰德詔

爵曰功詔祿工正雖不屬司馬掌作車服故與司馬書服也案周禮司勳屬夏官今司空書勳者春秋之時又是諸侯之法不可盡與禮同

案此條司空書勳之事注謂春秋諸侯之法不與禮同非也古人之有德善功烈勳勞慶賞聲名列于天下者論撰爲銘而施于鐘鼎故春秋傳季武子曰所得于齊之兵作林鍾而銘魯功而禮記亦載衛孔悝之鼎銘鐘鼎之作掌于工官則功勳之實必書于司空此真周官之法也所以司空書勳而夏官之屬又有司勳者周官聯事最多卽如司馬書服而工正亦

書之是也且司勲職明云大功司勲藏其貳則書之者必不止一人矣

禮王制司會以歲之成質于天子冢宰齊戒受質大樂正大司寇市三官以成從質于天子大司徒大司馬大司空齊戒受質百官各以成質于三官大司徒大司馬大司空以百官之成質于天子百官齊戒受質疏云司會總王羣官治要故以一歲治要之成質于天子質平也謂奏上文簿聽天子平量之冢宰是或王治事故亦齊戒贊王受羣官所平之事謂共王論定也大樂正大司寇市三官以其成從質于天子者謂此三官各

曰其當司成要隨從司會平于天子曰周漢言之司會
總正羣官簿書則司徒司馬司空簿書亦司會掌之質

于天子所曰下文司徒司馬司空各質于天子不由司

會惟大樂正大司寇市三官從司會質于天子者司會

總正治要先質于王若今先申與曰樂正司寇司市當

同事少即徑從司會以質于王其司徒司馬司空總正

萬民其事既大雖司會進其治要仍須各受質屬官親

自質于天子百官齊戒受質曰司徒司馬司空質于天

子天子平斷畢當須報于下故在下百官齊戒受天子

所平之要

案五官各有歲會之事據此條司空之有歲會可見矣

地官序官鄉老二鄉則公一人疏云書傳云天子三公一曰司徒公二曰司馬公三曰司空公彼注云周禮天子六卿與大宰司徒同職者則謂之司徒公與宗伯司馬同職者則謂之司馬公與司寇司空同職者則謂之司空公一公兼二卿舉下目爲稱

書顧命乃同名大保爽芮伯彤伯畢公衛侯毛公傳云大保畢毛稱公則三公矣此先後六卿次第冢宰第一召公領之司徒第二芮伯爲之宗伯第三彤伯爲之司

馬第四畢公領之司寇第五衛侯爲之司空第六毛公
領之召芮彤畢衛毛皆國名入爲天子公卿疏云衛侯
爲司寇而位第五知此先後是六卿次弟也高官兼攝
下司者漢世曰來謂之爲領故言召公領之畢公領之
毛公領之

班固白虎通云司馬主兵司徒主人司空主地王者受
命爲天地人之職故分職以置三公各主其一曰効其
功

又引別名記曰司徒典民司空主地司馬順天

案此四條上朝司空所加之職漢世猶曰大司徒大

司馬大司空稱三公蓋倣乎古也

禮王制大國三卿皆命于天子次國三卿二卿命于天子一卿命于其君小國二卿皆命于其君注云小國亦三卿一卿命于天子二卿命于其君此文似脫誤耳或者欲見畿內之國二卿與疏云崔氏云三卿者謂大司徒兼冢宰之事大司馬兼宗伯之事大司空兼司寇之事故春秋左傳云季孫爲司徒叔孫爲司馬孟孫爲司空此是三卿也

案夏官大司馬職云大國三軍次國二軍小國一軍軍將皆命卿然則國之大小自命卿之多寡爲次其

同爲三卿則一鄭說是也

書立政司徒司馬司空亞旅傳云此有三卿及次卿象大夫則是文武未伐紂特舉文武之初呂爲濼則

又酒誥矧惟若疇圻父薄違農父若保宏父傳云圻父司馬農父司徒身事且宜敬慎况所順疇咨之司馬乎况能迥迥萬民之司徒乎宏大也宏父司空當順安之司馬司徒司空列國諸侯三卿疏云司馬主封圻故云圻父司徒致民五土之義故言農父司空言大父者呂營造爲廣大國家之父

案小雅祈父疏引鄭此注云順壽萬民之圻父是今

文尙書本作若壽據文勢三句一例當釋云順壽萬
民之司馬追迴萬民之司徒順安萬民之司空乃順
傳曰若疇爲所順疇咨曰若保爲當順安之非是
又梓材司徒司馬司空尹旅曰予罔厲殺人傳云言罔
之三卿正官衆大夫皆順典常而曰我無厲虐殺人之
事如此則善矣

隱二年左傳司空無駭入極費序父勝之集解云魯司
徒司馬司空皆卿也

莊二十六季左傳晉士蒍爲大司空集解云大司空卿
官疏云傳于比季呂來說士蒍爲獻公設計晉國呂安

今又言大司空明任呂卿佐也直言司空者是大夫卽
司空亞旅皆受一命之服是也誓自文公呂後世爲盟
主征伐諸國卿呂軍將爲名司空非復卿官故文二季
司空士穀非卿也雖則非卿職掌不異成十八季傳曰
右行辛爲司空使修士爲之法是其典事同也

公羊襄十一季作三軍傳云三軍者何三卿也作三軍
何曰書譏何譏耳古者上卿下卿上士下士註云說古
制司馬官數古者諸侯有司徒司空上卿各一下卿各
二司馬事省上下卿各一上士相上卿下士相下卿足
以爲治疏云公羊曰爲王官之伯宜半天子乃有三軍

魯爲州牧但合二軍魯人前此止置司徒司空呂爲將
下各有小卿二人輔助其政其司馬事省蓋總監而已
故但有一小卿輔之今更置中軍司馬將之亦置二小
卿輔助其政也

案左傳疏云闕宮頌僖公能復周公之宇云公徒三
萬鄭謂大國三軍合三萬七千五百人言三萬者舉
成數也則僖公復古制亦三軍矣蓋自文公以來伯
主之令軍多則貢事多自減爲二軍耳非是魯衆不
滿三軍也若然昭五季舍中軍書之于經從前若減
一軍亦應書之而經不書者作三軍與舍中軍皆是

變故改常卑弱公室故史特書之耳此說魯本有三
軍與公羊異今更有可證者天子六軍出于六鄉諸
侯三軍出于三鄉柴誓云魯人三郊三遂峙乃芻茭
則當時已是三軍公羊謂魯但合二軍非也

又案已上七條侯國司空之職

鄭康成考工記注云司空唐虞已上曰共工疏云大史
公楚世家云共工作亂帝使重黎誅之又案舜典云帝
曰疇若予工兪曰垂哉帝曰兪咨垂女共工是唐虞已
上曰共工也若然唐虞已上皆曰共工堯時暫爲司空
是目尚書舜典二十八載後咨四岳欲置百揆兪曰伯

禹作司空注云初堯時冬官爲共工舜舉禹治水堯知有強法必有成功改命司空呂官異之禹登百揆後更名共工是其事也

案後人名司空曰工部蓋本諸此

禮曲禮天子之五官曰司徒司馬司空司士司寇典司五衆注云衆謂羣臣也此亦殷時制也疏云鄭注大傳夏書云所謂六卿者后稷司徒秩宗司馬作士共工也而不說殷家六卿之名今此記所言上非夏法下異周典鄭唯指爲殷禮也然天官曰下殷家六卿何者大宰司徒司馬司空司士司寇是也但周六六卿放天地四

時而殷六卿所法則有異也殷曰大宰爲一卿曰象天
時司空曰下五卿法于地事又鄭志云司徒曰下法五
行也

案已上二條歷代司空官名之異

又案書序云咎單作明居疏引馬融云咎單爲湯司
空史記殷本紀集解引其下文云明居明居民之法
也殷時既有是書司空之職必盡載于篇中惜其書
亡不可得見也

小司空

天官大宰乃施灋于官府而建其正左其貳設其考陳

其殷置其輔注云正謂冢宰司徒宗伯司馬司寇司空也。或謂小宰小司徒小宗伯小司馬小司寇小司空也。案五官之長皆卿一人，貳皆中大夫二人，考皆下大夫四人，其下更有上士八人，中士十有六人，旅下士三十有二人，府六人，史十有二人，胥十有二人，徒百有二十人。唯夏官史胥徒獨多者，疏云大司馬大總六軍軍事尚嚴，特須監察故也。今冬官事嚴不如夏官，則其人數應亦同彼四官也。

禮王制大國次國小國皆下大夫五人，疏云崔氏云下大夫五人者，謂司徒之下置小卿二人，一是小宰，一是

小司徒司空之下亦置二小卿一是小司寇一是小司空也司馬之下惟置一小卿小司馬也

成二年左傳公會齊師于上鄆賜三帥先路三命之服司馬司空輿帥侯正亞旅皆受一命之服疏云典命公之孤四命其卿三命其大夫再命其士一命侯伯之卿大夫士亦如之此三帥皆卿也本國三命故魯賜目三命之服司馬司空輿帥侯正亞旅皆大夫本國一命故皆受一命之服周禮大夫再命此司馬司空等皆一命者春秋之時其事已異于周禮故大夫一命

案高誘云司馬司空軍司馬軍司空也據此則夏官

之考爲軍司馬佀冬官之考亦當爲軍司空其實非也司馬主軍政故其下有軍司馬之官司司空主事何緣特立軍司空之官乎若呂爲一時假立則當事立之事畢則已又何由受一命之服乎當指小司馬小司空爲是

匠師

地官鄉師大喪及葬執纛呂與匠師御匱而治役及窆執斧呂涖匠師注云匠師事官之屬其于司空若鄉師之于司徒也鄉師主役匠師主眾匠共主葬引鄭司農云翺羽葆幢也爾雅曰纛翳也呂指麾輓柩之役正其

行列進退匠師又元豐碑之事執斧呂洫之使戒其事
鄭司農曰窆謂葬下棺也春秋傳曰日中而崩禮記所
謂封者洫謂臨視也疏云地官之考稱鄉師春官之考
稱肆師秋官之考稱士師唯有天官之考稱宰夫夏官
之考稱軍司馬自外皆稱師此經鄉師是司徒考明匠
師亦是司空考天子六紼千人輓之輓車恐傾側執紼
者指麾輓輅之役人使輅車令不得傾側又千人輓輅
呂持六紼恐行列進退失所皆呂翽指麾之故云正其
行列進退也豐碑者案檀弓云公室視豐碑鄭彼注云
天子斲大木爲之豐大也天子六紼四碑前後各一碑

各重鹿盧兩畔各一碑皆單鹿盧天子千人分置于六
紼皆背碑負引擎鼓呂爲縱舍之節匠師主當之故云
匠師主豐碑之事也鄉師執斧呂泄之者恐匠師不戒
其事須有用斧之處故執斧助之使匠師戒其事

襄四季左傳定姒薨不殯于廟無櫬不虞匠慶謂季文
子曰子爲正卿而小君之喪不成不終君也君長誰受
其咎初季孫爲已樹六檀于蒲圃東門之外匠慶請木
季孫曰畧匠慶用蒲圃之檀季孫不御集解云櫬親身
棺匠慶大夫不呂道取爲畧御止也

禮檀弓季康子之母死公輸若方小斂般請呂機封注

云公輸若匠師方小言季尚幼未知禮也

案考工記匠人掌營國都廟社城郭道涂溝洫匠師既爲其長必于數事有特重之職此數條但及葬事乃其職之一耳非匠師之所掌專于此也

又案營國都等職乃司空度地居民之事事之大者匠師既專掌之則其爲司空之考無疑

魯語嚴公丹桓宮之楹而刻其桷匠師慶諫公公弗聽解云匠師慶掌匠大夫御孫之名也

案內傳事見莊公二十四季諫公者自是御孫非匠慶也匠慶見襄公四季若曰爲一人則能爲匠師而

諫君季至少亦不下二十餘歲自莊二十四季至襄
四年凡百有二季合匠慶已前之季當百有二十餘
歲古者大夫七十而致仕豈有百二十餘歲而猶爲
匠師者若目爲二人則前後同名又同爲匠師亦未
必有此此國語之誤韋昭附會爲一人非也

匠人

禮雜記升正柩諸侯執紼五百人四紼皆銜枚司馬執
鐸左八人右八人匠人執羽葆御柩注云升正柩者謂
將葬朝于祖正棺于廟也五百人謂一黨之民疏云匠
人工人也羽葆者目鳥羽注于柄頭如蓋謂之羽葆葆

謂蓋也匠人主宮室故執蓋物御柩謂執葆羽居柩前御行于道示指揮柩于路爲進止之節也然周禮喪祝御柩此云匠人者周禮王禮此諸侯禮也

儀禮士喪禮既井椁主人西拜工左還椁反哭獻材于殯門外主人徧視之如哭椁獻素獻成亦如之注云既已也匠人爲椁刊治其材曰井構于殯門外也獻材明器之材視之亦拜工左還形法定爲素飾治畢爲成疏云注云匠人爲椁刊治其材者此解經主人拜工之事曰其冬官主百工百工之內匠人主木工之事所云者拜匠人曰其爲椁刊治其材者有功故主人拜之也

又既夕記既正柩賓出遂匠納車于階間註云遂匠遂人匠人也遂人主引徒役匠人主載柩窆職相左右也車載柩車疏云周禮有遂人匠人天子之官士雖無臣亦有遂人匠人主其葬事

案諸侯及士之禮雖降于王朝其設官分職亦必依王朝而爲之故考工記有匠人而此各有之匠人之職其大者見于考工記此但就其葬事而言耳又案匠師爲冬官之考爵下大夫則匠人上士也

司商

周語仲山甫諫宣王曰古者不料民而知其多少司民

協旅終司商協名姓司徒協旅司寇協姦牧協職工協
革場協入廩協出解云料數也司民掌登萬民之數協
合也終死也司商掌賜族受姓之官商金聲清謂人始
生吹律合之定其姓名司徒掌合師旅之眾司寇掌合
姦民日知死刑之數牧人掌牧養犧牲合其物色之數
工百工之官革更也更制度者合其數也場人掌場圃
委積之珍物斂而藏之廩人掌九穀出用之數

案此所數司民司徒司寇牧人場人廩人皆周官則
司商亦必周官司商掌辨族姓居四民之職也商說
文云從外知內也从商章省聲漢書律志云商之爲

言章也物成熟可章度司商名義謂度其族姓而章明之非吹律之謂吹律何但取商聲且商聲次濁云金聲清亦非

又案司商與司民對舉周禮司民中士六人司商之爵或亦中士歟

勤人

正長

逸周書大聚解立勤人以職孤左正長呂順幼左職喪呂恤死左大葬呂正同

案勤人正長之所掌乃居民之事亦冬官之屬也職

喪見春官大葬卽墓大夫亦見春官所云正同卽彼
職云令國民族葬正其位之事

司里

周語單襄公引周秩官云敵國賓至司里授館解云司
里授客所當館次于卿也聘禮賓致館

案司里掌國中之宅凡敵國賓至必館于國中故司
里授之

魯語文公欲弛孟文子之宅使謂之曰吾欲利子于外
之寬者對曰臣去先臣之署服其車服爲利故而易其
次是辱君命也不敢聞命若罪也則請納祿與車服而

遠署唯里人之所命次公弗取公欲弛邱敬子之宅對
曰先臣惠伯曰命于司里今命臣更次于外爲有司之
目班命事也無乃違乎請從司徒目班徙次公亦弗取
解云言有司曰位次命職事于臣臣在外次無乃違違
而不僂乎若有罪君欲黜之請從司徒徙里舍也

案司里掌園中之宅凡在佐者授之署黜爲民則當
從民居故云從司徒目徙次

昭三季左傳齊晏子辭宅曰敢煩里旅集解云旅衆也
不敢勞衆爲已宅

案里旅謂司里之衆

襄九年左傳宋災樂喜爲司城以爲政使伯氏司里火所未至徹小屋塗大屋陳舂搨具緹缶備水器量輕重蓄水潦積土塗巡丈城繕守備表火道集解云樂喜子罕也爲政卿伯氏宋大夫司里里宰舂簣籠搨土舉緹汲索缶汲器水器盆罌之屬量輕重計人力所任巡行也丈度也繕治也行度守備之處恐因災作亂火起則從其所趨標表之疏云釋言云里邑也李巡云里居之邑也是里爲邑居之名周禮五鄰爲里目五鄰必同居故曰里爲名里長謂之宰周禮里宰五里下士一人謂六遂之內二十五家之長也此言司里謂司城內之居

若今城內之坊里也里必有長不知其官之名周禮有里宰故曰宰言之非是郊外之民二十五家之長也

案樂喜爲司城而使司里撤屋具器是司里爲司空屬官可知下文萇臣爲司徒而令隧正皇鄔爲司馬而命校正亦各率其屬也韋昭解國語杜預解左傳俱目司里爲里宰疑于地官之屬此疏所說極明

周語單襄公曰其時儆曰收而場功侍而畚揭營室之中土功其始火之初見期于司里解云時儆所目儆告其民也收而場功使人修囷倉也侍具也畚器名土籠也揭昇土之器具汝畚揭將目築作也定謂之營室謂

建亥小雪之中定星昏正于午土功可呂始也期會也
致其築作之具會于司里之官

案此則司里兼掌築作之事

又案春官典命公之大夫再命而康成說天子之上
士三命中士再命下士一命中外相擬宋司里呂大
夫爲之則王朝之司里必中士也

館人 亦作管人

儀禮聘禮管人布幕于寢門外注云管猶館也

案注謂館人掌次舍帷幕者鄭望文爲說非也管人
掌館舍之事布幕其兼及耳

聘禮記管人爲客三日具沐五日具浴注云管人掌客館者也

禮喪大記管人汲不說縞屨之盡階不升堂授御者御者入浴又云管人汲授御者御者差沐于堂上君沐梁大夫沐稷士沐梁甸人爲墜于西牆下陶人出重鬲管人受沐乃煮之甸人取所徹廟之西北扉薪用爨之管人授御者沐乃沐注云差漸也漸飯米取其潘目爲沐也疏云管人主館舍者縞汲水瓶索也遽促于事故不說去此索但縈屈執之于手中徑墜灶重鬲者謂懸重之鬲也是瓦瓶受三升

儀禮士喪禮管人汲不說緇屈之祝漸米于堂南面用
盆管人盥階不升堂受潘煮于俎用重鬲注云管人有
司主館舍者不說緇將曰就祝濯米屈繫也疏云士既
無臣所行事者是府史故知管人是有司也聘禮記云
管人爲客具沐浴此爲死者故亦使之汲水也

昭元季左傳鄭子羽對楚伯州犁曰敝邑館人之屬也
集解云館人守舍人也

禮檀弓孔子之衛遇舊館人之喪注云前日君所使舍
已疏云知非舊所經過主人必曰爲君所使舍已者若
是經過主人當云遇舊主人之喪故禮稱皆云主人是

呂左傳云呂爲東道主又云昔吾主于趙氏皆主人爲
主今此云館人明置館舍于已故呂爲君所使舍已者
孟子之滕館于上宮有業屨於牖上館人求之弗得

案上宮爲滕賓客之館則館人滕君所使守館舍有
司也

又案司里通掌國宅館人專掌客館亦事官之屬也
司里與于土功館人與于喪事此又其兼職司里既
爲中士則館人下士也

舌人

周語王語士季曰唯夫戎翟則有體薦夫戎狄冒沒輕

僂貪而不讓其血氣不治若禽獸焉其適來班貢不俟
馨香嘉味故坐諸門外而使舌人體委與之解云僂進
退上下無列也適徃也班賦也舌人能達異方之志象
胥之官也

案舌人非象胥說見後

寄

象

狄鞮

譯

禮王制五方之民言語不通嗜欲不同達其志通其欲

東方曰寄南方曰象西方曰狄鞮北方曰譯注云鞮之言知也今冀部有言狄鞮者疏云達其志通其欲者謂帝王立此傳語之人曉達五方之志通傳五方之欲使相領解其通傳東方之語官謂之曰寄言傳寄外內語言通傳南方語官謂之曰象者言放象外內之言其通傳西方語官謂之曰狄鞮者鞮知也謂通傳夷狄之語與中國相知其通傳北方語官謂之曰譯者譯陳也謂陳說外內之言

案秋官有象胥之官鄭云通夷狄之言者曰象胥其有才知者也此類之本名東方曰寄南方曰象西方

曰狄鞮北方曰譯今總名曰象者周之德先致南方也是呂四者合而爲一而韋昭又曰舌人卽象胥總緣冬官早亾遂各擬議爲說也不知周官分職聯事最多象胥自是總掌四夷之官且其職云掌傳王之言而諭說焉協其禮與其辭言傳之皆行朝聘時所有之事若四官則達其志通其欲乃特爲彼而設是呂各專一方而不相兼也至舌人則又專掌其享燕之禮俱非象胥之職所能盡者司空內安中國之民則外亦安四夷之民五職屬于冬官無疑又案象胥之長爲上士此五官其皆中下十